



UNIVERSITÄTS-  
BIBLIOTHEK  
PADERBORN

**D. DIONYSII || CARTHVSIANI, DE || DOCTRINA ET REGV-||lis  
vitae Christianæ**

**Dionysius <der Kartäuser>**

**Coloniae, 1577**

**VD16 D 1959**

De quibusdam mundi vanitatibus euitandis, videlicet, risu, ludis, iocis,  
choreis, aleis, & verbis inanibus 26.

---

[urn:nbn:de:hbz:466:1-60177](https://nbn-resolving.org/urn:nbn:de:hbz:466:1-60177)

DE ARCTA VIA SALV. 401

De quibusdam mundi vanitatibus e-  
uitandis. Videlicet risu, ludis, iocis,  
choreis, aleis, & verbis inani-  
bus. Articulus. XXVI.

**V**ae vobis qui ridetis nunc,  
quia lugebitis & flebitis. *Luc. 6.*  
Per vae solet in sacra scriptu-  
ra aeterna damnatio desig-  
nari. Si itaque Christus ridentibus aet-  
ernam poenam minatur, quis in hac  
vita potest esse securus, leuis, iocosus,  
nisi damnandus & reprobus, qui cum  
sit sine timore Dei, iustificari non po-  
test. Denique si pensamus quantis  
vallamur periculis, quantis circunda-  
mur laqueis, quantis dilaniamur om-  
ni die peccatis, quam imperfecte & ir-  
reuerenter Deo seruimus: item quot  
quotidie mala fiunt in seculo, quo-  
modo Deus inhonoratur, quam mul-  
ti quotidie pereunt, quantis periculis,  
poenis, seu vitijs cognati, amici & be-  
nefactores nostri viui siue defuncti  
expositi sunt: habebimus potius cau-  
sam plorandi quam ridendi. Hoc con-  
siderauit sanctus ille Heremita, qui  
cum fratrem quendam vidisset riden-  
tem,

*Eccle. 2.*

*Eccle. 1.*

tem, ingemiscens dicebat : Coram  
cælo & terra rationem reddidimus  
sumus in die iudicij, & tu rides ? Hinc  
Salomon ait : Melius est ire ad do-  
mum luctus, quam ad domum conui-  
uij. Et rursus, Risum imputavi errorem  
& gaudio dixi, Quid frustra deciperis.  
Veruntamen, non quilibet risus est  
tam magnum peccatum, sed de risu  
consuetudinario, vel illo qui ex le-  
titia penitus inordinata procedit, lo-  
quitur Christus. Vnde & Iacobus  
ait diuitibus, Risus vester vertatur in  
luctum, & gaudium in mœrorum. Pro-  
inde ludere & iocari Chrysostronus  
reprobat: quamuis interim honestus  
ludus excusetur, dum ex rationabili  
causa & pia agitur intentione. Sed ad  
aleas ludere, tertio Decretalium cleri-  
cis præcipue inhibetur. De choreis  
quoque dicit Chrysostronus: Vbi salta-  
tio: ibi diabolus. Neque enim ad hoc de-  
dit nobis Deus pedes, vt cum camelis  
saltemus: sed vt cum angelis chorum  
faciamus. Insuper si grata mente re-  
uoluis, quomodo filius Dei pro tua sa-  
lute in cruce brachijs intensus suspen-  
sus est, quomodo pro te alba veste &  
purpura sit illusus, imo nudatus atque  
in

*Eccle. 7.*  
*Eccle. 2.*

*Iacob. 4.*

*Chrysostr.*

D  
in  
der  
reis  
fis,  
min  
nia  
tere  
mor  
ling  
ani  
min  
titia  
corr  
ba i  
unt  
bijs  
Var  
est,  
mus  
ba n  
Hin  
tio,  
est f  
& v  
scun  
stor  
dun  
lud  
epif

DE ARCTA VIA SAL. 408

in cruce nudus leuatus, & varijs modis derisus est, spero quod neque in choreis, neq; in vestibus curiosis, preciosis, pomposis, neque in laudibus hominum delectationē habebis: sed omnia vana hæc despicias & vitabis. *Pre- Prouer. 28.*  
terea ad oris custodiā admonet Salomon dicens: Qui custodit os suum & linguam suam custodit ab angustijs animam suam. Et denuo, Vidisti hominem velocem ad loquendum, stultitia magis speranda est quam illius correctio. *Prouer. 29.*  
Hinc dicit Gregor. Fuge verba incauta. Verba vana cito pollunt mentem. Hoc procedat ex labijs, q̄ aures non polluat audientis. *Gregor.*  
Vanus sermo vanę conscientię index est. Qualis sermo ostenditur, talis animus comprobatur. Qui ociosa verba non deprimat, cito ad noxia trāsit. Hinc Seneca dicit, Qualis vir, talis oratio, id est, sermo. Imago etenim cordis est sermo oris. Quod si verba ociosa & vana sic reprobatur, quid de verbis scurrilibus, lubricis, pungitiuis, detractorijs, maliciosis, & inuidis sentendum videtur? Postremo terreat, & à ludis auertat te quod sanctus *Cyrillus* episcopus Hierosolymitanus recitat, charissimum

404 D. DIONYS. CARTH,  
rissimum suū nepotem sibi post mor-  
tem apparuisse atque dixisse, quod el-  
set æterna condemnatus morte, eo quod  
in ludis immoderanter delectabatur,  
nec inde digne pœnituit. Erat autem  
vt scribit Cyril. iuuenis ille tāta pul-  
chritudine, eloquentia, & morum do-  
core ornatus, vt ab vniuersis miro a-  
maretur affectu. Hoc imprimè tuæ  
memorię frater charissime, terrificum  
sane exemplum.

*Contra superfluitatem diuitiarum: &  
quare superfluitas ista sit in culpa,  
presertim in clericis.*

*Articul. XXVII.*



*Eccle. 10.*

Varo nihil est scelestius.  
Nihil est iniquius, quam a-  
mare pecuniam: hic enim  
animam suam habet vena-  
lem. Certum est corporalia ad spiri-  
tualia ordinari, tanquam ad finem.  
Aliter autem amatur atque appetitur  
finis, & aliter media quæ ordinantur  
ad finem. Finis nanque per seipsum  
appetibilis est & amandus, quemad-  
modum sanitas in medicinali faculta-  
te,